

**TULAFONO TAU FAAOFI O TEUTEUGA O LE
TULAFONO O TAUI MO FAALAVELAVE
TUTUPU FAAFUASEI 2019**

SAMOA

Faamatalaga e Faamalamalama ai


1.0 Sini ma mafuaaga:

- 1.1 Ua taumafai le Tulafono Tau Faaofi e teuteu le Tulafono o Taui mo Faalavelave Tutupu Faafuasei 1989.
- 1.2 O sini autu o le Tulafono Tau Faaofi e faapea:
- (a) ia teuteuina le Tulafono o Taui mo Faalavelave Tutupu Faafuasei 1989 (“o le Tulafono Autu”);
 - (b) ia talosagaina le faamaoniga a le Kapeneta pe afai e silia ma le \$150,000 le aofaiga e totogi e le Faalapotopotoga mo togafitiga o gasegase i fafo (i tulaga faapitoa).

Fuaiupu:

Fuaiupu 1: - ua aiaia ai mo le igoa puupuu ma le amataga. E amata faamamaluina le Tulafono i le aso e tuuina i ai le maliega a le O Le Ao o le Malo.

Fuaiupu 2: - ua teuteuina ai le fuaiupu 33 o le Tulafono Autu e ala i le faaofiina o se faafuaiupu (1A) fou ina ia aiaia ai mo le aofaiga o tupe e ao ona totogi e le Faalapotopotoga mo togafitiga o gasegase i fafo (i tulaga faapitoa) e \$150,000 po o le itiiti ifo ma, afai e sili atu ma lea aofaiga, e ao loa ona talosagaina le faamaoniga a le Kapeneta.

A handwritten signature in black ink, appearing to read 'Lautafi Fio Selafi Joseph Purcell', is written over a horizontal dotted line.

(Hon Lautafi Fio Selafi Joseph Purcell)

MINISITA E NAFA MA LE FAALAPOTOPOTOGA
O TAUI MO FAALAVELAVE TUTUPU FAAFUASEI

**TULAFONO TAU FAAOFI O TEUTEUGA O LE
TULAFONO O TAUI MO FAALAVELAVE
TUTUPU FAAFUASEI 2019**

SAMOA

Faatulagaina o Aiaiga

1. Igoa puupuu ma le amataga
2. Ua teuteuina le fuaiupu 33

2019, Nu.

O SE TULAFONO TAU FAAOFI UA TAUA

O SE TULAFONO e teuteu ai le Tulafono o Taii mo Faalavelave Tutupu Faafuasei 1989 ("Tulafono Autu") ma mo faamoemoega e fesootai i ai.

UA FAIA e le Fono Aoao Faitulafono a Samoa i totonu o le Palemene ua potopoto e faapea:

1. Igoa puupuu ma le amataga:

- (1) E mafai ona taua lenei Tulafono o le Tulafono o Teuteuga o le Tulafono o Taii mo Faalavelave Tutupu Faafuasei 2019.

- (2) O lenei Tulafono e amata faamamaluina i le aso e tuuina i ai le maliega a le O Le Ao o le Malo.

2. Ua teuteuina le fuaiupu 33:

Ua teuteuina le fuaiupu 33 o le Tulafono Autu e faapea:

- (a) i totonu o le faafuaiupu (1) ia aveese upu “:**AE VAGANA ONA E FAAPEA** e leai se itu o le a tatau ai i le aofaiga na totogi po o sasaoina e le Faalapotopotoga ona sili atu i le \$150,000”;
- (b) i le tuanai ai o le faafuaiupu (1), ia faaofi e faapea:

“(1A) I le noatia ma le fai fuafua i le faafuaiupu (1), o le aofaiga e ao ona totogi po o le totogi faasaofaga e le Faalapotopotoga e \$150,000 po o le itiiti ifo, ma afai e silia ma lea aofaiga, e ao ona talosagaina le faamaoniga a le Kapeneta.”.
